



## **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

**Riedel, Adolph Friedrich**

**Berlin, 1865**

CLXXV. Bischof Johann von Reval, päpstlicher Legat, ertheilt allen  
Wohlthätern der Petrikirche in Köln Ablass, am 25. Juni 1518.

---

---

**Nutzungsbedingungen**

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

CLXXV. Bischof Johann von Reval, päpstlicher Legat, ertheilt allen Wohlthätern der Petrikirche in Köln Ablass, am 25. Juni 1518.

Johannes, Dei et Apostolice sedis gratia Revaliensis Ecclesie Episcopus, sanctissimi in Christo patris et Domini nostri, Domini Leonis divina providentia Pape decimi et ejusdem sancte sedis Apostolice cum plena potestate Legati de latere Nuncius et Orator, — Cupientes — ut altare corporis Christi, situatum in Parochiali Ecclesia S. Petri principis Apostolorum oppidi Cölln ad Spreuam Brandenburgensis Dioecesis, in suis structuris debite reparetur, conservetur et manu teneatur, ac libris, calicibus, luminaribus et aliis ornamentis Ecclesiasticis, pro divino cultu magis decenter muniatur et a Christi fidelibus jugiter veneretur, ac congruis frequentetur honoribus, et ut Christi fideles eo libentius causa devotionis confluant ad hujusmodi altare et ad reparationem, edificationem, conservationem et manutentionem hujusmodi manus porrigant adjutrices, quo ex hoc dono celestis gratie uberius se conspexerint refectos, pro parte devotorum nobis in Christo sincere dilectorum Andree Mitzken et Jacobi Smettlern, Laicorum Brandenburgensis Dioeceseos dicti altaris provisorum, porrectis nobis humilibus supplicationibus inclinati, omnibus et singulis utriusque sexus Christi fidelibus, qui ad ipsum altare in die corporis Christi ac per totam octavam illius festi, nec non singulis B. Marie Virginis ac sanctorum Petri et Pauli et aliorum dicti altaris patronorum dierum festivitibus devotionis causa confluerint et vespere aut matutinis Missis, stationibus, predicationibus vel aliis divinis officiis interfuerint et ad dicti altaris conservationem manus porrexerint adjutrices, sive sacramentum eucharistie vel unctionis, cum ad infirmos vel dicte Ecclesie circuitum defertur, insecuti fuerint, aut cum pro pace pulsatum fuerit, pro se et pro statu universalis Ecclesie et Romani pontificis, cardinalium et legatorum ejus felici conservatione ac dictas indulgentias impetrantium easdemque publicantium et promoventium salute et prosperitate Deum exoraverint, aut cimiterium dicte Ecclesie devotionis causa circumiverint, quotiescunque premissa seu premissorum aliquod fecerint, vel genu flexo coram Ciborio, in quo sacramentum corporis Christi reponitur, vel singulis dicte Ecclesie altaribus, aut defunctorum ossoriis, vel coram reliquiis in dicta Ecclesia reconditis unam orationem Dominicam cum salutatione angelica dixerint, de singulis dictarum reliquiarum particulis ac singulis aliis supra dictis centum dierum de injunctis ipsis poenitentiis indulgentias de omnipotentis Dei misericordia et Apostolorum ejus Petri et Pauli auctoritate confisi presentibus perpetuo duraturis in Domino relaxamus et concedimus in forma Ecclesie consueta: in cujus rei fidem et testimonium patentes nostras litteras fieri nostrique sigilli jussimus et fecimus appensione communiri. Datum Berolini Brandenburg. Dioecel. sub anno incarnationis Dominice Millesimo quingentesimo decimo octavo, Septimo Cal. Julii, Pontificatus sanctissimi in Christo patris et Domini nostri, Domini Leonis divina providentia Pape decimi Anno sexto.

Ludovicus Meckler, Commiff. mppr.

Hüffer a. a. D. II, 500.